

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیده اخذ
ایدیلور

نسخه سی ۴۰ پاره در

تذکره محاکمات

سنه لکی در سعادت ایچون مجیده
یکرمی غروش حسابله التمش
غروشدر

طفره ایچون بوسته اجرتی اوله ورق
اون بش غروش ضم اولتور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه متعلقدر

تعیین قیود

یانیه ولایتی مرکز بدایت محکمه سی حقوق
دائره سی باش کتابته ولایت مذکوره استیناف حقوق
محکمه سی باش کاتب معاونی محمد طیب افندی
یانیه ولایتی استیناف حقوق محکمه سی باش کاتب
معاونت لکنه ولایت مذکوره مرکز بدایت محکمه سی
باش کاتب معاونی تحسین افندی
بیغا قضاسی بدایت محکمه سی مستنطق لکنه
البدستان قضاسی بدایت محکمه سی مستنطق معاون
سابقی عطااه افندی تعیین اولنلشدر .

تبلغات

عدلیه نظارت مجلس سنده ولایات شاهانه استیناف
مدعی عمومی نظریه نظیر قلانه خبرات عمومی
صوریدر :

دیون عمومی مجلس اداره سندن ویریلوب تمغا
رسمی تدقیق قومیسوننه حواله بیوریلان مذکوره
مربوط دفترک ۷ نومرولی فقره سنده ممالک اجنبیه ده
ویا ممالک شاهانه نک تمغا قانونی احکامی جاری اولیان
محللرنده تنظیم اولنان اوراق وسندات قانونک جاری
اولدینی محللرده استعمال اولدینی صورته ایجاب
ایدن تمغا رسمنک ایلك استعمال ایدنلر طرفندن ایفا
اولنه جغی التجی ماده ده علی الاطلاق محرر اولدیفنه
بناءً اوراق مذکوره نک استعمالی نه کی معاملاتدن
عبارت بولدینی بعض دیون عمومی اداره لرنبه
استفسار قلندیغندن و بواسعمال فعلنک کرک فروخت
و کرک ناس بیننده کی هر درلو مناسبات قانونیه متفرع
بالجمله معاملاتدن عبارت ایدوکی مطالعه اولندیغندن
بحث ایله بوصورتله ایلك استعمال ایدنلر طرفندن پول
الصاق وابطالی لزومی در میان اولنلش و سالف الیان
التجی ماده ده علی الاطلاق کوستریلان استعمال فعلی
اوراق وسندات مذکوره نک قوت قانونیه وسائر سندن

استفاده ایتمک و آنک حکمی نه صورتله اولور ایسه
اولسون اعمال ایلمک یعنی بردارمه ابراز ویا آخره
جیرو ایتمک مثللو حکم وقوتک بشقه لرینه اشمالی
اولوب اوراق مبحوث عنهانک مرسل الیهی نزدنده
قلمسی استعمال دیمک اوله میه جغی درکار بولنلش
اولدیغندن اوراق وسندات مرقومه نک انحق بووجه
ایله استعمال ایدلکی زمان تمغا رسمنه تابع اولسی
اقتضا ایدوکی مذکور قومیسوندن با مضبطه افاده
اولدینی اولبابده کی تذکره سامیه یه علفاً مالیه
نظارت جلیله سندن از بار قلنلش اولدیغندن لازم
کلنلر تبلیغ کیفیت اولنق اوزره اشبوتحریراتک نسخ
مطبوعه کافیه سی لفا ارسال قلندی .

محاکمات مقبره لک

حلب ولایتی مرکز بدایت محکمه سی مدعی
عمومی معاون سابقی حامد بکک اوراق انفصالیه
ومدافعه نامه سی انجمن انتخاب مأمورین عدلیه جه
لدی التدقیق جواز استخدامنه قرار ویرلشدر .

محکمه تمیز حقوق دائره سندن تنظیم واعطا
اولنان اعلامدر :

قوچانه قصبه سنک زیر محله سنده ساکن حسن
افندی ایله محله مذکوره اهللسندن رضا اغا بن منلا
ادیب بیننده متکون دعوایه دائر قوچانه بدایت
محکمه سندن ۱۰ کانون ثانی سنه ۳۲۱ تاریخجی و ۱۳
عددی ایله ویریلان اعلام مومی الیه حسن افندی
طرفندن تمیز اولنغله اعلام مذکور طرفینک اعتراض
وجواب لایحه لرله بالمطالعه تدقیقات تمیزیه اجراسنه
ابتدار قلندی .

اعلام مذکورک خلاصه مآلی مزبور رضا اغانک
مومی الیه حسن افندی ذمتده بر باب دینک و دکرمانک
زمین ایجارندن آله جغی اولان درتیوز قیه بیاض پرنج
ویوز یکرمی بش شنیک مخلوط ذخیره نک تحصیلنی طلب

ودعوی واثبات مدعی ضمنتده بر قطعه اعلام ابراز
واعطا ایتمسینه قارشو مدعی علیه حسن افندی دخی
بر موجب ادعا مذکور المقدار ذخائر ذمتده دینی
اولدیغنی طوعاً اقرار ایدوب انحق مذکور دینک
ودکرمان حرکت ارضدن خراب اولوب تعمیر
ایچون کندوسی ایکی بیک سکسان غروش صرف
ایتدیکنندن بوندن مدعینک حصه سنه اصابت ایدن
درتیوز طقسان غروشک عدم تأدییه سنه بناءً مدعی به
پرنجلی مصارف مذکوره یه مقابل اولق اوزره
آیقویدیغنی بالیان اجاره زمین بورجی کلیاً انکار
ایتمی اوزرینه اولبابده جریان ایدن محاکمه و تدقیقات
نتیجه سنده مدعی رضا اغا اجاره زمین دعواسنی شهود
ایله اثبات ایلش اولدیغندن محله نک بیک سکریوز
اون سکرنجی ماده سی حکمنه توفیقاً مدعی علیه حسن
افندینک اجاره زمین اولق اوزره درتیوز قیه بیاض
پرنج ایله یوز یکرمی بش شنیک مخلوط ذخیره نک
سنه سنه مدعی به اعطاسنه و ذمتده بورجی اولدینی
اقرار ایله تحقق ایدن سکسان اوچ شنیک مخلوط ذخیره
ایله ایکویوز قیه بیاض پرنجک مومی الیه حسن افندیدن
تحصیلنه و مومی الیه مذکور دینک و دکرمان مصارفی
حقننده کی مدافعه سنک ردینه حکمدن و مستدعی
تمیزک اشبو حکم علیه ده لایحه سنده محرر باشلوجه
اعتراضی دعوی واقعه عقاره متعلق اولوب توجه
خصوصت ایچون اول امرده ذی الیدلکک بالینه
اثباتی لازم کلور ایکن بوراسندن ذهول اولنسی
ومنازع فیه دینک و دکرمان محلنک اعلامده حدودینک
تعیین ایدنامسی وشهود مستمعنه نک مشهودی محکمه
بالذات ارائه ایدو رک شهادت ایتلری لازم کلور کن
بوجهته دخی رعایت اولنامسی واجاره زمین نامیه
نه مقدار پاره ویراسی لازم کله جککنک تحقیق اولنامسی
مغایر قانون اولدیغندن بحثله اعلام مذکورک نقضی
استدعاسندن و مدعی علیه نک نتیجه جوابی دخی
اعتراضات مسروده نک واهی و بی اساس اولدینی بیانیه
ردی و موافق اصول وقانون اولان اعلامک تصدیق
طلبندن عبارتدر .

ایجابی مذاکره اولندقدده اعلام مذکور مآئندن
منفهم اولدینی اوزره مذکور دینک و دکرمانک مبنی
اولدینی اراضینک تصرفی حقندده ایجاب ایدن طرفدن
سند رسمی طلب اولتیق و سند یوق ایسه طابو قیودینه
مراجعت ایدلک و مقاطعه به ربطی حقندده قید وارمیدر
طابو کتابندن سؤال ایدلک لازم کلورایکن محکمه چه
بوولده معامله ایدلامسی بولسز و مغایر قانون اولدیفندن
اصول محاکمات حقوقیه قانوننک ایکسوز اوتوز ایکنجی
مادهسی موجبجه اعلام مذکورک تقضیه و قانون
مزبورک ایکسوز قرق دردیجی مادهسک فقره اولامسی
حکمنه توفیقاً کیفیتک تکرار بالرؤیه اعلامه ربطی
ضمننده محکمه مذکوره به اعاده سنه ۶ تشرین اول
سنه ۳۳۳ تاریخنده متفقاً قرار ویرلدی .

محکمه تمیز استدعا دأرهنسندن تنظیم واعطا

اولنان اعلامدر :

دکترلی سنجانی بدایت محکمهسی جزادأرهنسندن
استینافاً لاحق اولوب ۲۶ اغستوس سنه ۳۳۰
تاریخنده تعقیق قتلان قراری ناطق ۳۴ شباط سنه
۳۳۱ تاریخلی و ۸۴ عددلی اعلامک تمیزاً تدقیقی
مستدعی مدعی شخصی طواس قصه سنه ساکن
عبدالرحمن اوغلی امین طرفندن ویریلان ۲۱ اغستوس
سنه ۳۳۰ تاریخلی استدعایه ایله اوراق مقررعهسی
باش مدعی عمومیلک مأموریت بهیه سنک ۲۵ کانون اول
سنه ۳۳۲ تاریخلی تبلیغنامهسی ایله محکمه تمیز استدعا
دأرهنسندن تودیع اولتیش ولدی التدقیق استدعایه
مذکورک مدت و شروط قانونیه سنه موافق اولدینی
اکلاشلمش اولدیفندن بالقبول تدقیقات تمیزیه اجرا سنه
ابتدار قلندی .

اعلام مذکورک خلاصه مآلی عبدالرحمن اوغلی
امینی ضرب و جرح ایتملردن طولای مظنون علمیم
اولان بآتمز اوغلی امین و محمد و حسین و عبدیل
و عرب اوغلی محمد و سائر حقارنده اجرا ایدیلان
محاکمه ابتدایه حبس جزاسیله محکومیتلرینه دأر
ویریلان حکمک مدعی شخصی محمد و برادری امین
طرفلردن استیناف ایدلسی اوزرینه جریان ایدن
محاکمه استینافیه مستأفلر طرفندن حقوق شخصی
جمله سندن اولان تضمینات حکم اولتیشی طلب اولتیور
ایسه ده بدایه حقوق شخصیله ری درمیان ایتماش
و بوباده بدایه بر حکم دخی لاحق اولماش و بناء علیه
حکم لاحق اولیان جهتک استینافاً تدقیقه مساع
قانونی بولماش اولدیفنه بناء عائد اولدینی محکمه به
مراجعتده مختار اولتی اوزره اولباده کی استیناف
استدعاسنک ردینه قرار ویرلیدیکندن عبارتدر .

لایحه تمیزیه ده حقوق شخصی ده دعوالرینک
حقوق عمومیه دعواسیله حکم ایدلسی صراحت
قانونیه اقتضاسندن ایکن محکمه استینافیه به بویصوص
حقندده کی طلب رد اولتیشی مخالف اصول اولدیفنه
دأر اعتراض سردیه اعلام مذکورک تقضیه استدعا
ایدلشدر .

تبلیغنامه ده دخی لایحه تمیزیه ده درمیان اولنان
اعتراضات مندرجات اعلامه نظراً غیر وارد اولدینی
بیانیله استدعایه مذکورک ردی لازم کله چکی بیان
اولنشددر .

ایجابی لدی المذاکره اعلام ابتدائی مندرجاتندن
منفهم اولدینی اوزره مستدعی عبدالرحمن اوغلی امین
ایله دیگر مشتکیلر جانبندن درجه اولی محکمه سنه
ویریلان عرضخالده تضمینات طلب اولتیق صورتیه
حقوق شخصی ده دعواسی اقامه و درمیان اولتیش
و بویکی ضرب و جرح فعللردن متوال اولان تضمینات
دعوالرینک حقوق عمومیه دعواسیله برلکده رؤیت
و حکمی مقتضیات احکام قانونیه دن بولتیش ایکن
محکمه استینافیه به برمنوال محرر قرار ویرلسی
مخالف اصول بولندیفندن اصول محاکمات جزایه
قانوننک اوچسوز اوز دردیجی و اوچسوز اوز طقوزنجی
ماده لری احکامنه توفیقاً اعلام مذکورک مستدعی
مرقومه عائد اولان فقره حکمیه سنک تقضیه اوراقلک
محله اعاده سنه ۹ جزیران سنه ۳۳۳ تاریخنده متفقاً
قرار ویرلدی .

اسماعیل قتل ایتدیکی ادعا اولنسنندن دولای
جنايته اتهام اولنان محمدک اوزرینه سنه مدته کورکه
قولنسنه دأر آیدین ولایتی استیناف محکمهسی جزا
دأرهنسندن ویریلان ۳۸۲ نومرولی اعلام

عبداللهی قتل قصدیله جرح ایتدیکی ادعا اولنسنندن
دولای جنايته اتهام اولنان ابراهیمک اوج سنه مدته
کورکه قولنسنه دأر تواد سنجانی بدایت محکمهسی
جزا دأرهنسندن ویریلان ۴۴۱ نومرولی اعلام

شطیر ورفیق مبارکک اثنای راهده اشیلرینی
نهب و مبارکی جرح ایتدیکی ادعا اولنسنندن دولای
جنايته اتهام اولنان صالحک اوج سنه مدته کورکه
قولنسنه دأر بغداد ولایتی استیناف محکمهسی جزا
دأرهنسندن ویریلان ۴۵ نومرولی اعلام

مرعی اغا حلاقک اوزرینه قتل قصدیله سلاح
آندقلری ادعا اولنسنندن دولای جنايته اتهام اولنان
محمدک اوج سنه مدته کورکه قولنسنه و احدک برائنه
دأر حلب ولایتی استیناف محکمهسی جزا دأرهنسندن
ویریلان ۱۴۳ نومرولی اعلام

خلیلی قتل ایتدیکی ادعا اولنسنندن دولای

جنايته اتهام اولنان مصطفایک اوزرینه سنه مدته
کورکه قولنسنه دأر صاروخان سنجانی بدایت
محکمهسی جزا دأرهنسندن ایکنجی دفعه اوله رق
ویریلان ۸۱ نومرولی اعلام

طورمشی قتل ایتدکری ادعا اولنسنندن دولای
جنايته اتهام اولنان محمدک اوزرینه سنه مدته کورکه
قولنسنه و دیگر محمد و حسین و مرتضی و علی و احدک
برائتینه دأر قوزان سنجانی بدایت محکمهسی جزا
دأرهنسندن ویریلان ۱۲۰ نومرولی اعلام

خریوطلی محمدی قتل ایتدیکی ادعا اولنسنندن
دولای جنايته اتهام اولنان بربر احمدک اوزرینه سنه
مدته کورکه قولنسنه دأر آتیه ولایتی استیناف
محکمهسی جزا دأرهنسندن ویریلان ۷ نومرولی اعلام

همتی قتل ایتدیکی ادعا اولنسنندن دولای جنايته
اتهام اولنان عمرک اوزرینه سنه مدته کورکه
قولنسنه دأر دکری سنجانی بدایت محکمهسی جزا
دأرهنسندن ویریلان ۱۲۶ نومرولی اعلام

محمدک بویاخانه سنک پنجه سندن طاش قادیروب
لیلاً معلوم المقدار اشیایسی سرقت ایتدکری ادعا
اولنسنندن طولای جنايته اتهام اولنان ابراهیم و علی
و حسینک اوجر سنه مدته کورکه قولنلرینه و علی
سیواس ایله وحیدک برائنه دأر حلب ولایتی استیناف
محکمهسی جزا دأرهنسندن ویریلان ۳۳ نومرولی
اعلام

قره ولی اوغلی علی ملای قتل ایتدیکی ادعا
اولنسنندن دولای جنايته اتهام اولنان محمدک اوزرینه
سنه مدته کورکه قولنسنه دأر آیدین سنجانی بدایت
محکمهسی جزا دأرهنسندن ایکنجی دفعه اوله رق
ویریلان ۱۳۴ نومرولی اعلام

ضیا آفندیکن خانه سی پنجه سنی و صندوق و دولای
قیهررق اشیا سرت ایتدیکی ادعا اولنسنندن دولای
جنايته اتهام اولنان محمدک اوج سنه مدته کورکه
قولنسنه دأر سیواس ولایتی استیناف محکمهسی جزا
دأرهنسندن ویریلان ۳۵۹ نومرولی اعلام

ابراهیمک طوارلرینی اخذ و سرقت ایتدکری
ادعا اولنسنندن دولای جنايته اتهام اولنان محمدوشا کر
واحد و کاملک اوجر سنه مدته کورکه قولنلرینه دأر
کنغری سنجانی بدایت محکمهسی جزا دأرهنسندن
ویریلان ۶۵ نومرولی اعلام

محمد علی جبوری قتل قصدیله جرح و حسن
غفارک حیوان و تفکیکی اخذ و غضب و سرقت ایتدکری
ادعا اولنسنندن دولای جنايته اتهام اولنان محمدک اوج
سنه مدته کورکه قولنسنه و علینک برائنه دأر لاذقیه
سنجانی بدایت محکمهسی جزا دأرهنسندن ویریلان
۵۷ نومرولی اعلام

مهدی بن مصطفای قتل قصدیله جرح ایتدیکی
ادعا اولنسنندن دولای جنايته اتهام اولنان داودک
اوج سنه مدته کورکه قولنسنه دأر پرزین سنجانی
بدایت محکمهسی جزا دأرهنسندن ویریلان ۶۲۹
نومرولی اعلام

قاریل ولد قره بتک اثنای راهده اوکنه چقه رق
ضرب و جرحله اشیا و نفودینی و جالک بررأس
قصرانی سرقت ایتدیکی ادعا اولنسنندن دولای
جنايته اتهام اولنان بربر عمرک بش سنه مدته کورکه
قولنسنه دأر ارزنجان سنجانی بدایت محکمهسی جزا
دأرهنسندن ویریلان ۳۶۷ نومرولی اعلام

صادق قتل ایتدکری ادعا اولنسنندن دولای
جنايته اتهام اولنان اسماعیلک اوزرینه سنه مدته
اوج سنه مدته کورکه قولنلرینه و حسنک برسنه
مدته حبسنه و دیگر اسماعیلک برائنه دأر قسطنیونی
ولایتی استیناف محکمهسی جزا دأرهنسندن ویریلان
۱۱۰ نومرولی اعلام

رشید موسای قتل ایتدیکی ادعا اولنسنندن دولای
جنايته اتهام اولنان یحیایک اوزرینه سنه مدته
کورکه قولنسنه دأر یانیه ولایتی استیناف محکمهسی
جزا دأرهنسندن ایکنجی دفعه اوله رق ویریلان ۷۱
نومرولی اعلام

محمدی قتل قصدیله جرح ایتدیکی ادعا اولنسنندن
دولای جنايته اتهام اولنان عبدالرزاقک اوج سنه مدته
کورکه قولنسنه دأر لاذقیه سنجانی بدایت محکمهسی
جزا دأرهنسندن ویریلان ۴۹ نومرولی اعلام

محکمه تمیز جزا دأرهنسندن تصدیق قلمشدر .

۶۸۲ نومرولی نسخه ده مندرج در سعادت جنايت محکمهسی اعلامنک مابعدی :

لاله لی جامع شریفی اتصالننده کی قهوه خانه ده
قهوه جیلاک ایتدیکی سولیای اوزرینه سنه یاشنده
ارکریلی صالح بن نجیب برکیجه حضور محکمه ده کی
مهم لیغور سرخوش اولدینی حالده قهوه خانه به بالورود
قهوه ایسته مسنه قارشو آتشی سوندردکری
بیلدیردیکنده اطاله لسان ایتسیله حبیب دخی
حدتلنلرک لیغوره بر طوقات اوروب طیشاری
چقاردقندن صوکره مهم لیغور تکرار قهوه خانه دن
ایجرو کردکده تکرار خارجه چقاردقندن برآز
صوکره طیشاروده بولنان حبیبک قان آفقدده بولنان
قارنی طوتمش اولدینی حالده امان بی لیغور اوردی
یتیشک دیو فریاد ایلمکده اولدینی مشاهده و استماع
ایلدیکنی بیان و عند الاستیضاح کندوسی قهوه خانه ده

بولندینی اجلدن جریان وقعیه کوره مامش و انجیق
واقع اولان فریاد اوزرینه قهوه خانه دن طیشاری
چقادی اتصاده مجروح حبیبک اوضاع و افاداتی
کوروب طوتمش ایدوکنی و هوا غازیکنک شعله سی
مقتله تصادف ایتدیکی کرک مهم و کرک مقتوله
بیجاق کورمدیکنی و بعد الوقعه مهم لیغوری مقتله
کورهمدیکنی و شهادتی حضور محکمه ده کی مهم حقندده
اولدینی علاوه درمیان ایلادی .

اشبو شاهدک ذات و شهادته قارشو نه دیه چکی
مهم لیغوردن صورلدقده شاهد مرقومه قهوه پاره سندن
یتش یازه بورچی اولوب ویره مدیکندن طولای
کندوسی ضرب ایتدیکی کبی ایش زینلیی دخی اخذ
ایتدیکنندن ناشی شهادتی قبول ایدیه میچکنی و ضربی
اثبات ایدمه اولدینی و محکمه به کتشدیکنی یاد
و شاهد صالح دخی مهمک سرخوشلقدن طولای
زینلیی قهوه خانه طیشاروسنده کی پیکنکک التنده
اوتشمش اولدینی و حتی کندوسنک دخی معلوماتی
اولیوب فرداسی مراجعتده یته مهم آتش ایدوکنی
و ضرب ماده سنک اصل و اساسی اولدینی ایراد
ایلدیلر .

لاله لیده مسیح پاشا محله سنده قهوه جیلاک ایدن
ضیا بن طیفیک ازیمیه عزیمت ایتدیکی وینه محل
مذکورده آقارچشمه اتصالننده چایچلیق ایدن محمدین
عیسانک دخی بولنهمدینی جلبنامه لری زیرنده کی
شرحدن اکلاشلماغه و شاهدلردن صالحدن صورلدقده
ضیانک استانبولی ترک ایله ازیمیه کیتمش ایسه ده
هانکی قضا و قریه و محله سنده ساکن اولدینی بیله مدیکنی
و محمد بن عیسانک دخی تحت قلعده سقالتق ایدن
برادرینک نزدنده بولندینی افاده ایتمکله مطالعه سی
صوریلان معاون مومی الیهک طلیله محمد حقندده
تکرار جلبنامه تسطیری و ضیانک دخی افاده
مضبوطه سنک قرائتی قرارگیر اولدینی و جانب
ریاستدن دخی ضبط و رقه سنده مهرلری بولنان
یوسف احسان و محید افندیلر ایله اسمی سبق ایدن
آریسنیدینک اظهار حقه مدار اولتی اوزره جلبنک
تسبب ایدلیدی و بناء علیه محاکمه نیک یوم آخره
تعلیق قلندینی طرفینه اکلا دیله رق سنه حالیه مارتنک
اون سکرنجی کوی مهم مرقوم علی الاصول
توفیقخانه دن کتوردیلرک وکیل و معاون مومی الیهما
حاضر اولدقلری حالده محاکمه علیه و وجایه به
مداومت و هیئجه قسماً تبدل و قوعنه مبنی ضبط
ضبط سابق لدی القرائه تحت مندرجاتنک طرفیندن
تصدیقنه مبادرت قلندی .

تخته قلعده برادری سقالتک نزدنده اقامت ایتدیکی

شهود مستمعندن قهوه جی صالح طرفیندن خبر
ویریلان و حقندده بیکدن جلب مذکره سی تسطیر
اولنان محمد بن عیسی نامنده محل مذکورده کسنه
اولیوب انجیق لاله لی جوارنده مسیح پاشا محله سنده
چایچلیق ایدن و محل مذکور کی ترک ایلیان محمد بن
اسحق نامنده بر شخص موجود ایسه ده آنکده
زیاده سیله راحتسز بولنسنه مبنی ایران خسته خانه سنده
اسیر فراش بولندینی جلبنامه سی زیرنده کی شرحده
کوسترملکله بوباده کی مطالعه سی صوریلان معاون
مومی الیه شهود بوضله سنده اسمی محرر اولان محمد
بن عیسی نامیه تحری اولنان شخصک اسیر فراش
اولان محمد بن اسحق اولدینی اکلاشیه مدیفندن
و شوالده محمد بن عیسی بولنهمدینندن آنکده افاده
مضبوطه سنک قرائت اولتیشی طلب ایلمکله شاهد
مرقومک دخی افاده مضبوطه سنک قرائته قرار
ویرلیدیک بالتهفیم کرک مرقومک و کرک کچن محاکمه ده
افاده استنطاقیه سنک قرائتی قرارگیر اولان ضیانک
افاده مضبوطه لری او قوتدرلدقده بولنلرین ضیا بن
طفیکک برکیجه قهوه خانه ده اوطورمقده ایکن لیغور
سرخوش اوله رق بالورود حبیب ایله منازعه ایتلریله
مرقوم لیغوری قهوه خانه دن طیشاری چقاردقده
بکا یان باقان وارمی دیهرک سب و شتم ایتمکله باشلامسی
اوزرینه حبیب دخی طیشاری چقادیقندن برآز
صوکره حبیبک امان اولردم لیغور قارنی یاردی محمد
قوش یتیش دیو فریادینی ایشیدوب هان قره غوله
معلومات ویردیکنی و لیغورک قاجدیقنی وهر ایکسینک
التده بیجاق بولندینی کورمدیکنی وینلرنده منازعه
اولوب اولمادیقنی دخی بیلمدیکنی بیان و اوتوز اوج
یاشلرنده اولوب مقدما مسیح پاشا محله سنده آقارچشمه
اتصالننده کی دکانده چایچلیق ایدن محمد بن عیسانک
دخی برکیجه ساعت اوچی چاریک کچهرکک اسمنک
لیغور اولدینی صوکره دن اوکرندیکی شخص ایله
حبیبک قونشمقده و لیغورک کیف حالیه سوکوب
صایمقده اولدینی صره ده لیغوری طیشاری چقاردیقنده
مرقوم نعره آتمقه و حبیبه قارشو اطاله لسان ایتمک
باشلامسیله حبیب دخی طیشاری چقادیقندن برآز
صوکره امان لیغور بنم قارنی یرندی یتیشک دیو
فریاد ایتدیکنندن باقدیقنده ایکی اللریله قارنی طوتمقده
اولان حبیبک قارنندن دم جریان ایتمکده و بکرمی
ادیم ایلروده دخی لیغورک لغه جهتنه طوغری
قاجقده اولدینی مشاهده ایدهرک درحال بولیس
مرکزیه معلومات ویردیکنی و لیغورک التده بیجاق
کورمدیکنی و بالاخره دردست ایدلش اولان لیغورک
قوشانک ایکی محله ده وچاکتکک قولنده قان لکهری
کوردیکنی درمیان ایدلکری منفهم اولدی .

قرائت اولنان اشبو افاده لره قارشو نه ديه چكي
متم ليغوردن صورلدقه و قعه افشامي ايشدن كلديكي
جهتله اللرى يارلمش اولديغندن قان آندن بولاشديغنى
سويلدى .

(مابعدى كلهجك نسخيه)

مانوك موسيو كشاري به اطاله لسان ايتديكي
ثابت اولديغندن بش كون مدتله حبسنه
محمد افنديك نجبي جرح ونجيك ده مومى اليه
ضرب ايتديكي ثابت اولديغندن محمد افنديك يكرمى
كون ونجيك برهفته مدتله حبسلرينه

طودورينك مجروحيتنه سببيت ويرديكي ثابت
اولان خاچيكك اون بش كون حبسيله برابر مصارف
جراحيه اولان بش يوز الى غروشك بالتحصيل
مدعى به ويرلسنه

آورامك لوتاريه جياق ايتديكي ثابت اولديغندن
بش بشلك جزاي نقدى آلمسنه

يانينك ياسنى ضرب واخافه تصديله تشهير سلاح
ايتديكي ثابت اولديغندن اون كون مدتله حبسنه

على واسماعيلك يكديكرينى ضرب ايتدكلرى
ثابت اولديغندن برر هفته مدتله حبسلرينه

قوجونك حسيني ضرب ايتديكي ثابت اولديغندن
بريقق آتون آتوب مضروبه ويرلسنه

يكديكرينى ضرب وجرح ايدن فرهادو آرداشك
حركتلى ثابت اولديغندن آرداشك ايكي ماه مدتله
حبسنه و مصارف جراحيه ايله اجر مثل اوله رق تعيين
ايديلان يومى اون غروشك تحصيلنه وفرهادك دخى
برماه مدتله حبسنه

فوطينك خلاف ممنوعيت اوزرنده سلاح
طاشيديني ثابت اولديغندن بش بشلك جزاي نقدى
آلمسنه بك اوغلى بدايت محكمه سى جزا دائره سنجه قرار
ويرلشدر .

اعلانات

نجات بحريه محكمه سنده

غلطده كورجكلرده مقاره جيلر قاغنده لوازمات

بحريه تجارتيه مشغول غوزوبلو پوليخرونيادينك ٦
مارت سنه ٣٢٤ تاريخدن اعتباراً اعلان افلاسنه
ومصالح افلاسيه نك رؤيت وتسويه سى ضمنده اعضاي
محكمه دن سعادتلو ابراهيم بكك ژوز قوميسر ودعوى
وكيللرندن ماناس انوموتارهي افنديك موقت سنديك
تعينلرينه ومغازه سييله اشياى زائده بيتيه سنك
مهرلنسنه واوراق ودفاترينك جلبه وكفالت مصدقه
ارائه ايده مديكي تقديرده حبس وتوقيفه وبوباده كي
قرارك موقتاً اجراسنه تجارت بحريه محكمه سنجه
قرار ويرلمش اولديغندن قانوننامه تجارتك ١٧٠ نجى
ماده سى موجبجه دائمي سنديكلر انتخاب اولنق اوزره
اشبو ٣٢٤ سنه سى حزينانك يدنجي جمعه ايرتسى
كونى ساعت يدي راده لرنده اصحاب مطلوبك محكمه
مذكوره نك مصالح افلاسيه رؤيته مخصوص اوطه سنه
كللى اعلان اولنور .

استانبولده والده خاننده ساكن ايكن تجارت
بحريه محكمه سندن افلاسنه حكم اولنش اولان موئين
بهار ايساق ايه اوغلى شركتلك خصوصات افلاسيه سنك
رؤيت وتسويه سى ضمنده دعوى وكيللرندن عثمان
طلعت واوخانس باراويان وحياتي افنديلر اصالة
سنديك تعيين قلمش اولدقلرندن مفاس مرقوم
ذمتده آله جنى اولانلرك قانوننامه تجارتك ١٩٩
و ٢٠٠ نجى مادهلرى موجبجه تحقيق ديون ايچون
تاريخ اعلاندن اعتباراً يكرمى بر كون ظرفنده
سنداني محكمه كاتبه تاسيم ايللرى ومدت مذكوره
ختمندن صوكره اوچ كونده يعنى ٣٢٤ سنه سى
حزينانك اون يدنجي صالى اون سكرنجي چهارشنبه
اون طقوزنجي پنجشنبه كونلرى تجارت بحريه
محكمه سنك مصالح افلاسيه رؤيته مخصوص اوطه سنه
كلرك سنديك افنديلر مواجهه سنده آله جقلىرى اثبات
وقيد وتصديق ايتديرملرى ومدت مذكوره ده اثبات
وجود ايده ميان آله جقلولر حقنده قانون مذكورك
٢١٠ نجى ماده سنده توفيقاً ايفاي معامله اولنه جنى
اعلان اولنور .

درسمه ادته فنجانجيلر يقوشنده ٢ نومرولى
مغازده وساقزده كاوسله تجارتيه مشغول ايكن
تجارت بحريه محكمه سندن افلاسنه حكم اولنش اولان
قالوكيرو برادرلر شركتى ذمتده آله جنى اثبات ويا
موقتاً قبول وقيد ايتديرمش اولان آله جقلولرك
قانوننامه تجارتك ٢١١ نجى وآنى ولى ايدن ماده سى
موجبجه مفلس طرفندن تكليف اولنه جق

قونقورداتونك مذاكره سى ايچون ٣٢٤ سنه سى
حزينانك دردنجي چهارشنبه كونى محكمه مذكوره نك
مصالح افلاسيه رؤيته مخصوص اوطه سنه كللى
اعلان اولنور .

بك اوغلى بدايت محكمه سى اجرا دائره سنده :
شكرى افندي ايله كوثر خانمك اسماعيل اغا
ذمتده بك اوغلى برنجي حقوق دائره سى اعلامى ايله
آله جنى اولان معلوم المقدار مبالغك تأمين استيفاسى
ضمنده مديون مومى اليهك متصرف اولوب حجز
الته آلتان قاسم پاشاده درت قيود دره بويى جاده سنده
كائن ٨ نومرو ايله مرقم يكرمى اوچ آرشون طقوزپارمق
عرضنده واون درت آرشون درينلكنده صرف
ملك وبرعدد قيويى مشتمل بر قطعه خانه عرصه سييله
كيم اوغلى زقاغنده ٢٢ نومرولى تخميناً اوچيك يوز
سكسان ذراع بوستان ودرونده بوستان قيوسيله
بر اوفق حوضى وايكي باغچوان اوطه سييله آخور
واشجار مثمريه محتوي سنوي بيك ايكيموز غروش بدل
ايجاره متحمل بوستانده طقسان الى سهم اعتباريله اون ايكي
سهم حصه شايه سييله محل مذكوره يوز قرق طقوز ذراع
عرصه اوزرينه مبنى ايكي قاتدن عبارت درت اوطه
وايكي صفه وبرمطبخ وبرمقدار باغچي مشتمل
صرف ملك بر باب اخشاب خانه بك اعتبار مذكور ايله
يكرمى سهم حصه شايه سنك تاريخ اعلاندن اعتباراً
اون بش كون صوكره بالمزايدة فروخته تشبث
اولنه جنى بك اوغلى بدايت محكمه سى اجرا دائره سندن
اعلان اولنور .

محكمه صغير قضاسى بدايت محكمه سى اجرا دائره سنده :
پوسته وتلغراف نظارت عليه سنك كنعان بك ذمتده
مطلوبى اولديغنى ادعا بديكي درتنيك كسور لبرايه مقابل
محجوزواجرى موقله فروختي محكوم بولنان مومى اليهك
مقرى قريه سنده يكي محله ده آت يولى جاده سنده كائن خانه
سنده موجود ومهر آلتنده بولنان بش اوطه موبيله سى
وساثره نك شهر مائيسك يكرمى بشنجى بازار كونى ساعت
ايكيدن طقوزه وپازار ايرتسى كونى ينه ساعت ايكيدن يدي به
قدر محل مذكوره مأمورى مواجهه سنده بالمزايدة
فروخت اولنه جقندن اشتراسته طالب اولانلرك يوم
ووقت معينده محل مذكوره حاضر بولنلرى
كوچك چكمجه قضاسى بدايت محكمه سى اجرا
دائره سندن اعلان اولنور .